

Ўзбекистон ва Россия етакчилари бир-бирини қутладилар



Ўзбекистон Республикаси Президенти Шавкат Мирзиёев ва Россия Федерацияси Президенти Владимир Путин дипломатик муносабатлар ўрнатилганининг 30 йиллиги муносабати билан бир-бирига табрик йўллади.

**Россия Федерацииси Президенти
В.В. Путин Жаноби Олийларига**

Хурматли Владимир Владимирович!

Сизни ва биродар Россия халқини Ўзбекистон Республикаси ва Россия Федерацияси ўртасида дипломатик муносабатлар ўрнатилганининг 30 йиллиги муносабати билан табриклайман.

Кейинги йилларда биргаликдаги саъй-ҳаракатларимиз билан биз Ўзбекистон-Россия ҳамкорлигини мисли кўрилмаган юксак стратегик шериклик ва иттифоқчилик даражасига олиб чиқдик ҳамда халқларимиз ўртасидаги дўстлик ришталарини янада мустаҳкамладик.

Бугун Ўзбекистон ва Россия ҳамкорлиги очиқлик, ўзаро ишонч ва қўллаб-қувватлаш, бир-бирининг манфаатларини ҳурмат қилиш тамойиллари асосида фаол ривожланмоқда.

Амалий ҳамкорлигимизнинг барча муҳим йўналишларида яқин ва доимий мулоқот қилиш имконини берувчи ноёб, самарадорлигини исботлаган механизмларга асос солинди.

Ўзаро савдо рекорд кўрсаткичларга етди. Кенг қўламли саноат кооперацияси лойиҳалари амалга оширилмоқда. Гуманитар ҳамкорлик ривожланмоқда, соғлиқни сақлаш, фан, маданият, санъат ва таълим соҳаларидаги алоқалар кенгаймоқда.

Биз Ўзбекистон ва Россия ўртасидаги дўстлик ва кўп қиррали шериклик муносабатларини мамлакатларимиз ва халқларимиз манфаатлари йўлида бундан буён ҳам изчил ривожлантириш ва мустаҳкамлаш ниятидамиз.

Сизга мустаҳкам соғлиқ ва давлатчилик фаолиятингизга янги муваффақиятлар, дўст Россия халқига эса фаровонлик ва равнақ тилайман.

Чуқур хурмат билан,

**Шавкат Мирзиёев,
Ўзбекистон Республикаси Президенти**

Ўзбекистон Республикаси Президенти

Ш.М. Мирзиёев Жаноби Олийлариға

Хурматли Шавкат Миромонович!

Давлатларимиз ўртасида дипломатик муносабатлар ўрнатилганининг 30 йиллиги муносабати билан самимий қутловларимни қабул қилгайсиз.

Ўтган ўн йилликлар мобайнида Россия ва Ўзбекистон томонидан барча йўналишларда сермаҳсул ҳамкорлик бўйича катта тажриба тўпланди, МДҲ, ШҲТ ва бошқа кўп томонлама тузилмалар доирасида конструктив шериклик, минтақавий хавфсизликка таҳдид ва хавф-хатарларга қарши курашишда саъй-ҳаракатларни мувофиқлаштириш йўлга қўйилди.

Россия-Ўзбекистон стратегик шериклиги ва иттифоқчилигини бундан буён ҳам ҳар томонлама мустаҳкамлашимизга ишонаман. Бу, ҳеч шубҳасиз, дўст ҳалқларимизнинг манфаатлариға жавоб беради, Марказий Осиёда тинчлик ва барқарорликни таъминлаш мақсадлариға мосдир.

Сизга, муҳтарам Шавкат Миромонович, мустаҳкам соғлик ва муваффақиятлар, Ўзбекистоннинг барча фуқаролариға эса фаровонлик ва равнақ тилайман.

Хурмат билан,

**Владимир Путин,
Россия Федерацияси Президенти**

Манба